

---

BEDBURGER NARRENZUNFT

VON 1886



*RIEGER*

ZUR KARNEVALS-SESSION

*1948/49*

---

## Uns Funken sind bove ahn

(Schusterjungen-Melodie) — Text: W. Neunzig.

Jetz kütt die Funken-Infanterie!  
Ihr Mädcher gitt ens aach,  
Bei suner staatse Kumpanie  
Et Häzz em Liev üch laach.  
Se trage gar nix ahn der Sack,  
Ne Funk nit schnell vom Ledder trick.  
Doch jeder dräht em ganzen Heer  
E Repetirgewehr!

Se kumme, met Trumme un Musik staats eran!  
Denn die rutwieße Funke, die Funke, die Funke,  
Denn die rutwieße Funke, die sin hück bove ahn!

Vürob do trecke stolz un köhn  
Die Offiziers doher  
De Funke spreng hengerdren,  
Da inne nex passeet.  
Un gnädig wink der Kommandant,  
Dann es dat Volk us Rand und Band.  
Et wehd gewibbelt stramm vür Freud,  
En luhter Silligkeit.

Se kumme, met Trumme usw.

Un litt em Wäg en Batterie  
Vun Fläschen irgendwo,  
Dann es de Funken-Infanterie  
Em Rubbididupp och do.  
Ha, wie et Salvefuer dann knallt,  
Die Batterie wehd kaltgestallt,  
Un alles drink sich fresche Mot  
Em golde Druvvenbloot.

Se kumme, met Trumme usw.

Wenn irgendwo e Mädsche steiht  
Met Backe rut un wieß,  
Dat es sing Färv, dröm löstig schleit  
Et Häzz dem Infanteriss.  
Un dat et ganze Heer sich wärb,  
Weht schnell met Knubbele usgeschwärb,  
Zom Bütze sin se kommandeert,  
Dröm Kind, nor nit schineert.

Se kumme, met Trumme usw.

E Fläschge un e ahdig Kind  
Dat sin dem Funk sing Tön.  
Proß Mädsche, drück ens met geschwind,  
Ich han dich gar zo gähn.  
Ich nehme dröm noh Fasteleer  
In dingem Häzze Standquarteer.  
Un es ald einer en däm Huus,  
Dann schmieß inn flott erus.

Se kumme, met Trumme usw.

---

---

# Jünge, Jünge, wat häß do ne Nerr!

Lied und Büttensmarsch 1948/49 der BNZ

Text u. Musik: Matth. Lammet

1.

Alles schwärmt vom schönen Rhein, von der Loreley,  
Alle schwören auf den Wein, der so süffig sei,  
Und gar von den Mägdelein träumt so mancher still.  
Ja, Vater Rhein, stolz darfst du sein,  
Doch bild dir nichts ein,  
Denn sonst sag' ich dir nur:

Refrain:

Junge, Junge, wat häß do ne Nerr,  
nit nur am Rhing, och he an d'r Erf  
sin die Mädchen jung un schön;  
schöner noch — schöner noch — als Lilli Marlen.

2.

Kommt ein Jüngling da und spricht, ist es keine Schand:  
Schöne Mädchen gäb's hier nicht, nur am Rheines-Strand.  
Hoppla! sag ich — junger Mann, du irrst dich — o jeh!  
Schau dir sie an, da ist was dran, ja, die sind okeh,  
Hör zu, sie singen nur:

Refrain:

Junge, Junge . . .

3.

Drum vergeßt im Leben nie, wollt ihr glücklich sein,  
Dann macht eine „Erftpartie“, die bringt Glück allein;  
Denn es ist die Heimat hier, die so froh euch macht.  
Leert den Pokal, alle zumal; scherzet, trinket, lacht!  
Die Pappeln raunen nur:

Refrain:

Junge, Junge . . .

---

---

---

---

# Mer spare keine Penning mieh!

Walzerlied

Text und Musik: Matth. Lammet

1.

Wat wor fröher dat Levve doch sorgenlos,  
Jeder hat do jet Geld, selvs d'r kleinste Quos,  
Doch wat es dat nor hück för ne Durchenein  
Keiner mieh gitt jitz noch Kredit no dem Währungsschnitt.

Mer spare keine Penning mieh, mer jöcke alles drop,  
bis dat die Grosche sinn futtüh, wie kriege mir et op;  
mer maache uns et Levve nett, dat eß ne schöne Trus,  
mer singe noch des Naachts em Bett, mem Spare es et us.

2.

Mänche hät sich et Levve lang kromm gelaat,  
Hät sich rein nix gegönnt, hät gespaat, gespaat,  
Bis op eimol do kom dann dä große Knall,  
Alles wor fott, alles kapott, die Monete all:

Mer spare usw.

3.

Zweimol han se uns jitz schon su ahngeschmiert,  
Zweimol han se uns Grosche no enkassiert,  
Doch et drettemol soll uns dat nit su gon,  
Weg mem Sparboch, mir hangenog, nix, garnix bliev stonn!

Mer spare usw.



---

---

## Trotzdäm

Text und Musik: Ernst Schopen

Musikal. Bearbeitung: M. Lammet

1.

Alles es jetzt widder do,  
Gar nix mieh es knapp.  
Alles kann m'r kaufe jo,  
Wenn — m'r et berapp.  
Ävver ungs Penunze sinn selde jetzt und rar,  
Un wä sich jett leiste well, dä hät nix „per bar“!

Ävver . . . . .

. . . . . dat es jo kein Malör,  
M'r fiehre Fasteleer.  
Wenn mir ooch kein Monete han,  
M'r gonn trotzdem eran!  
Dat es jo kein Malör,  
M'r fiehre Fasteleer.  
Un wenn ooch die Atombomb platz —  
M'r drinke op de Latz!

2.

Z'eesch wiehd ens de Stüer gelatz,  
Dann kütt Frau un Kengk.  
Bleche muß m'r, dat m'r platz,  
Wat m'r iß un drengk.  
Well m'r dann e bitzche Freud maache sich ganz stell,  
Dann hät nit en Breesmark mieh, wä bezahle well.

Ävver . . . . .

. . . . . dat es jo (usw.)

